

Այս համաձայնութեամբ վերջ գտաւ Զանգեզուրի արիւնհեղութիւնը, որ քիչ մնաց պատճառ դառնար հայ-ազրբէջանեան պատերազմի: Ճիշտ է, կռիւները փաստօրէն շարունակեցին, բայց այս անգամ արդէն նախադարձակը գանգեզուրցիներն էին: Նոյեմբեր վերջերին, դափանցիները, Երևանից նոր հասած Գ. Նժդէհի գլխաւորութեամբ, մաքրեցին Օխչի չայի արտամբը շրջանը: Դեկտեմբերի սկզբին մաքրեցին Գեղւայ ձորի մօտ 40 թրքաբնակ գիւղերը: Այդ դէպքերը նորից բողոքի ու սպառնալիքի նիւթ դարձան զնդ-Ռէյի և Ուօրդըրուպի ձեռքին: Ազրբէջանի կառավարութիւնը ցատկոտ հեռագրներ տւեց ու պատասխաններ ստացաւ, բայց կեանքը դնաց իր ճանապարհով. Զանգեզուրն այլևս մաքրած էր ներքին թշնամուց:

\*

Թիւրքիայի և Ազրբէջանի միացման մէկ օղակն էլ Գողթն\*) դաւառակն է՝ հազիւ 20-25 գիւղ\*\*) ունեցող հայկական մի շրջան՝ կծկւած Ալանգեոց ու Ղազանգէոլ բարձրաբերձ լեռների և Արաքսի միջև: Գողթնը և Արևիքը գատում են Ազրբէջանը Նախիջևանից. վերացնել մէջտեղից այս հայկական շրջանները՝ նշանակում է բանալ ուղիղ ճանապարհ Բաղուի, Անգորայի և Պոլսի միջև: Ուստի, տարօրինակ չպիտի թւայ այն յամառութիւնը, որով թիւրք-ազրբէջանցիները, ամէն առիթով, աշխատում էին գրաւել Գողթնը:

Երբ, Բաթումի դաշնագրից յետոյ, թիւրքերը եկան Նախիջևան, նրանց առաջին գործը եղաւ Գողթնի նւաճումը. 1918թ. յուլ. 25-ին թիւրք գործերը մտան Ագուլիս:

Օգոստ. 8-ին, կովկասեան իսլամական կառավարութեան կողմից Օրդուբաթ քաղաքի և շրջանի զինւորական կառավարիչ նշանակւեց թիւրք քական բանակի սպայ Սալիլ բէյը, որը իր ձեռքի տակ ունէր 5-6 թիւրք սպաներ, 12 թնդանօթ, 20-22 գնդացիք և հազարի չափ տեղական թաթար զինւորներ: Օրդուբաթ հասնելուն պէս նա հրատարակեց հետեւեալ յայտարարութիւնը՝ ուռւերէն և թիւրքերէն լեզուներով.

«Կովկասեան Իսլամական կառավարութեան կողմից ես նշանակւած եմ Օրդուբաթ քաղաքի և շրջանի զինւորական կառավարիչ և Աստծու օգնութեամբ այսօրանից ստանձնեցի իմ պարտականութիւնների կատարումը:

Կովկասեան Իսլամական կառավարութիւնը ցանկանում է, որ իր բոլոր հպատակները, առանց կրօնի և ազգութեան խտրութեան, ապրեն խաղաղ, անգորր կեանքով և արիւնհեղութիւն չլինի:

Մեր սահմաններում գտնուող հայ գիւղերը, եթէ կը ցանկանան հպատակել մեզ, պէտք է յանձնեն զէնքերը, որովհետեւ բոլոր մահմետական գիւղերը մինչև այժմ ենթարկւել են և ենթարկւում են հայերի յարձակման: Այն օրանից, որ ես Նախիջևանի շրջանումն եմ, ամբողջ Անդրկովկասում, իմ հաւաքած ստոյգ տեղեկութիւններով, աւերւած են 300 մահմետական գիւղեր, այն ինչ հայկական գիւղեր՝ միայն 3-ից մինչև 5:

\*) Գողթան շրջանի դէպքերը գրելիս՝ օգտւել եմ նաև Գոչարեանի ձեռագիր յուշերից և Ագուլիսի հաշտարար դատարար Յ. Տէր-Անտոնեանի զեկուցումից:

\*\*) Որից 10ը գտնուում են լեռնային շրջանում: